

## È tchainte note Mont'gnez

poi J-M. Moine

Coupyèt 1.

È tchainte not' Montgnez, bïn foûe poi ses afaints,  
Qu' s' en vaint tot â maitin poi lai vie di Coénat.  
Yôs brais sont pieins tchairdgies de che bëll' choés des tchaimps  
An n' voit pus que quéqu' pois, â d'tchus d' yôs grôs boquats.

R'dyindiat 1

Sînte Cécil', Sînte Cécil', ch' vôs piaît bénit' tos nos afaints  
Que nôs pus p'têts, que nôs pus grants, bousseuchïnt drèt c'ment de bés raims

Coupyèt 2.

È tchainte not' Montgnez, â Chénois, poi nôs bôs  
Laivoù qu' s' en vaint s' coitchi, les coupyes d' aimoéreus.  
Rôses sâvaidges, violatt' eufies â long di nò,  
D'moérant des gaidg', d' aimoé le soi, â paitchi feûs !

R'dyindiat 2

Sînte Cécil', Sînte Cécil', ch' vôs piaît bénit' tos nôs djûenes dgens,  
Que tos nôs boûeb' è nôs baîchatt' saitcheuchïnt bïn vivr' yote bontemps !

Coupyèt 3.

È tchainte not' Montgnez, poi l' traivaiy' di tchâtemps  
Les tchies vaint è r'veniant de d'vaint les Foss' Voirand,  
Di maitin djainqu' â soi, lai moûechon raimoénant.  
Les brais ch'vant è seûffrant, mains le tiûer' ât content.

R'dyindiat 3

Sînte Cécil', Sînte Cécil', ch' vôs piaît bénit' tos les poirents,  
D' aivô vot' éd', qu' ès poéyeuchïnt condur' les yôt' dains lai boinne sen !

Coupyèt 4

È tchainte not' Montgnez, di Bout-d' Tchus â Bout-d'Dôs  
Tiaind qu' nôs véy' dgens s' en vaint aippues chus yôs soûetats.  
Les novés qu' ès poétchant sont bïn s'vent sen d'chus d' dôs,  
Mains miraîch' les r'virant : nòs sons tus des frérats !

R'dyindiat 4.

Sînte Cécil', Sînte Cécil', ch' vôs piaît bénit' tos nôs véy' dgens,  
Édièt' nôs tus, è pâr' le temps, d' cheûdr' yôs consoiy', tot sîmpyement.